



## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicas & Festa per annum**

**Bernardus <Claraevallensis>**

XXII. De quadruplici debito.

**urn:nbn:de:hbz:466:1-39254**

glorificatione percipitur. Unde est illud <sup>f</sup>: *Venite benedicti Patris mei, percepite regnum Dei.* Sic enim ait Apostolus <sup>g</sup>: *Quos prædestinavit, hos & vocavit: & quos vocavit, illos & justificavit: quos autem justificavit, illos & magnificavit.* In prædestinatione est gratia, in vocatione potentia, in justificatione lætitia, in magnificatione est gloria.

<sup>f</sup> Matt. 25. d<sup>g</sup> Rom. 8. f

*Et dedit illi scientiam sanctorum.* Scientia sanctorum est hic tempora-  
liter cruciari & delectari in æternum. Et in contrarium scientia malorum  
relabitur. Alia est scientia mundi quæ docet vanitatem, & alia scientia carnis  
quæ docet voluptatem. Illa tanquam pater, ista tanquam mater nobis est.  
Sicut enim mater filio suo semper optat quietem, & omnem prorsus labo-  
rem claudit à filio suo: sic caro incrassata, impinguata, dilatata recaleci-  
trat, nec minimis saltem digitis patitur se contingi. Et sicut pater vult fi-  
lium suum huc illucque discurrere, ut addiscat unde aliquando magnifice-  
tur: sic & mundus vult hominem multis laboribus intricari, ut habeat un-  
de superbia, unde infletur & desipiat de vanitate in idipsum. Sanguis ux-  
duæ sunt filiae, id est propriæ voluntatis, quæ quasi radix est, duæ filiae sunt,  
vanitas & voluptas, clamantes: affer, affer. Hæc nunquam satiantur, nunquam  
dicunt, sufficit. Si quis has plene in se contriverit, non immerito sibi illam  
vocem poterit coaptare: *Quoniam (inquit <sup>b</sup>) pater meus & mater mea de-  
reliquerunt me, Dominus autem aßumpsi me.*

*Scientia san-  
ctorum que.  
Alia scientia  
mundi, alia  
carnis. Illa in-  
star patri,  
hec matris.*

*Propria volun-  
tatis due filie,  
Vanitas & vo-  
luptas.*

<sup>b</sup> Psal. 26. d

*Honestavit illum in laboribus.* Nonne nos & in ipsis laboribus nostris  
honestamur, cum omnia quæ facimus, ad unitatis vinculum adunamus, at  
non in nobis sit pondus & pondus, mensura & mensura, quia utrumque ab-  
ominabile est ante Deum? Nonne & hæc utilitas, hæc deformitas, hæc se-  
micinctia honorantur & adorantur à principibus terræ? Væ nobis, si exul-  
taverimus, nisi in Christo & pro Christo: vae nobis, si vendibilem obtule-  
rimus paupertatem. *Et complevit labores illius*, vel illic in perseverantia, ut  
usque in finem justitiam non relinquat: vel illic in gloria, ut gaudeat in æ-  
ternum. Felix utraque completio, cum & hic moritur justus plenus die-  
rum, & illic oritur in plenitudine dierum, utroque plenus, & hic gratia,  
& illic gloria, quia gratiam & gloriam dabit Dominus.

<sup>i</sup> Psal. 83.

## SERMO XXII.

## De quadruplici debito.

**I**N via estis, Fratres, quæ ducit ad vitam: in via recta & impolluta, quæ  
ducit ad civitatem sanctam Hierusalem illam, quæ libera est, quæ sur-  
sum est, quæ est mater nostra. Arduus quidem ascensus ejus, ut potè per  
ipsam montis summitatem incisus: sed via compendiosior laboris  
magnitudinem vel temperat, vel excludit. Vos autem tam felici-  
ci facilitate, quam facili felicitate viam istam, non solum

*Arduus ad  
supernumerati-  
tatem as-  
censu-*

Illi 3<sup>o</sup>

itis.

*Exonerati ad  
iſcenſum expe-  
liti.*

itis, sed curritis; quia exonerati estis & accincti, nihil ponderis super dora portantes. Non sic aliqui, non sic, qui quadrigas & quadrigalia onera per trahentes montis circuitum ambire decernunt, & plerunque per devexa montis præcipitanter, ut vix finem inveniant viæ suæ. Felices igitur vos, qui vos & vestra sine omni exceptiuncula reliquistis, per ipsum montis verticem iter facitis ei qui ascendit super occasum, Dominus nomen illi. Illi vero qui quamvis Ægyptum fugerint, tamen ad quæque Ægyptia tenerime resuscitant, vitam civitatis habitaculi non invenerunt: sed voluntatum suarum gravissimis sarcinis prægravati, vel sub onere, vel cum onere cadunt, ut vix ad cursum perveniant destinatum,

*Religioſi vita  
Apostolica ſe-  
tatores.*

*Pſal. 89. d*

*lota, è manie  
a viri sancti  
simas Mona-  
orum ad cœ-  
m evolasse.*

*rtitudo Sata-  
non timen-  
i, ſed verſu-*

*imos paren-  
ſ calliditate  
cit.*

Quid enim est (gratias illi, cuius gratia hoc totum factum est) quod vita vestra vitam Apostolicam repræsentet? Illi reliquerunt omnia, & in schola Salvatoris sub eius præsentia congregati hauserunt aquas in gaudio de fonte Salvatoris, ipsum vitæ fontem in ipso fonte bibentes. Beati oculi qui viderunt. Nunquid non & vos non in præsentia, sed in absentia ipsius; non ad verba oris eius, sed ad vocem nunciorum ejus, simile aliquid fecistis? Defendite vobis hanc prærogativam, quod illi ad visum & ad verbum, vos ad auditum & nuncium credidistis. Sic stete in Domino, charissimi, ut quemadmodum illi in fame & siti, in frigore & nuditate, in laboribus & jejunii & vigilijs & cæteris obſervantiis iustitiae viam regiam tenuerunt: sic & vos eti non eorum meritis, tamen exercitiis aliquatenus coequati dicatis Domino Deo vestro, cum veneritis ante thronum gloriæ ipsius": *Lata-  
ti ſumus pro diebus quibus nos humiliasti, annis quibus vidimus mala.* In veritate dico vobis, quia in veritate etsi, in via recta, in via sancta quæ perducat ad Sanctum Sanctorum. Mentior (quod ad consolationem vestram di-  
co) si non ex manibus hujus peccatoris, monachorum, novitiorum & con-  
versorum animæ ad cœlestia gaudia volaverunt, tam liberæ quam liberatæ  
de carcere nostræ mortalitatis. Si queritis unde id sciām, scitote quia certissima mihi signa inde facta sunt & ostensa,

Non est igitur quod vobis vel pro vobis timeam à viribus Satanæ & ministrorum ejus, cum noverim illius fortitudinem per redemptoris vulnera traductam & deductam ad nihilum. In spiritu enim fortitudinis for-  
tem fortior ille contrivit, portas æreas & vectes ferreos confringens. A ver-  
sutiis & astutiis illius formido mihi est pro vobis, in quibus partim sublimi-  
tate naturæ, partim experientia temporum sub tot annorum millibus eru-  
ditus, fragilitatem humanæ naturæ quaquaversum se verterit non ignorat.  
Si ille insatiabilis homicida primis parentibus nostris non ursos, non leo-  
nes, non fortia terræ animalia delegavit; sed tortuosum & callidum serpen-  
tem, qui per sinuosa volumina nunc caput cauda, nunc caudam capite te-  
gere confuevit. Denique & serpens non fortior erat, sed callidior cunctis ani-  
mantibus

mantibus terræ, ait Scriptura<sup>e</sup>. Unde & ab interrogatiōne incepit, mentem b Gen. 3. b mulieris explorans, sciens ingenio non viribus laborandum: *Cur præcepit vobis Dominus Deus (inquiens) ne comederetis de ligno scientia boni & mali?* Quæ respondit: *Ne forte moriamur.* Quod Deus pro certo posuerat, dicens: *Quacunque die comederitis, morte moriemini;* ista sub dubio supponit, *ne forte (inquiens) si comederimus moriamur.* Et audi ingenium malitiamque serpentis. *Nequaquam (inquit<sup>c</sup>) moriemini.* Deus affirms, mulier dubitat, e Ibidem. Satan negat.

Sic & ego timeo, ne sicut serpens Evam seduxit astutia sua, sic & sensus vestri corrumpantur à castitate quæ est in Christo Iesu. Putasne aliquis in vobis est cui dicat in cogitationibus suis: *Cur præcepit vobis Deus ut i-* stam regulam teneretis? Secundum enim impetum spirituum vestrorum Observa & ca- huic tepido remissorem, illi ferventi vitam arctiorem proponit, hoc solum ne technas Sa- expertens & expectans, ut quoquo modo tollat eum à consilio justorum & tanas. congregazione. Profecto spiritus ille qui tibi hoc suggerit, spiritus men- dax est, spiritus potestatem habens, qui tibi invidet locum tuum. Unde & Sapiens hujus rei non ignarus: *Si spiritus potestatem habentis super te ascen- drit,* ait<sup>d</sup>: *locum tuum non dimiseris.* Absit enim, ut spiritus veritatis, qui te huc adduxit, te reducere velit: quia non est in ore ejus, est, & non: sed est in illo, est: sicut irrefragabilis auctoritas testatur. Nemo (aīt Apostolus) loquens in spiritu Dei dicit anathema I E S V f. J E S U S salvator, sive salus; anathe- f 1. Cor. 12. 2 ma, separatio interpretatur. Qui vero tibi separationem à salute submur- murat: nec Dei spiritus est, nec à Deo: quia Spiritus sanctus non disperge- re, sed colligere venit: qui semper revocat dispersos Israel in terram suam.

Quid? Vitam fortiorē aliquis quærat? Dico vobis quia ista for- tissima est, & quæ ex omni parte, si dissimulare nolueris, primæ illi scholæ Salvatoris pro sua possibilitate respondeat. An audes ad molliorem vel co- gitando descendere? O si cognovisles & tu, quām multa & quām multis debeas! Videres quām nihil sit quod facis, quām nec inter minima nume- randum ad comparationem debitorum tuorum. Vis scire quæ & quibus debeas? Primo Christo I E S U debes omnem vitam tuam, quia ipse vitam suam posuit pro vita tua: & cruciatus amaros sustinuit, ne tu perpetuos su- stineres. Quid tibi dirum vel durum esse poterit, cum recordatus fueris, quia ille in forma Dei, in die æternitatis suæ, in splendoribus sanctorum ante Luciferum genitus, splendor & figura substantiæ Dei: venit ad carcere tuum, ad limum tuum, infixus (ut dicitur) usque ad cubitos in limo pro- fundi? Quid non suave tibi, cum tibi collegeris omnes amaritudines Do- mini tui, & rememoraberis primum quidem illarum infantilium necessita- tum, deinde laborum quos pertulit in prædicando: fatigationum in discur- rendo:

Vita religiosa  
Apostolica re-  
spondet.

Quam multa  
& quam multa  
homo debeat.

I. Debet omni-  
vitam suam  
Christo ut re-  
demptori.

Christi nos redi-  
mentis beneficia  
immensa.

rendo : temptationum in jejunando : vigiliarum in orando : lachrymarum in compatiendo : insidiarum in colloquendo : postremo periculorum in falsis fratribus, convitorum, sputorum, colaphorum, flagellorum, irrisiorum, sublannationum, exprobationum, clavorum, horumque similium : quæ in salutem nostri generis triginta & tribus annis operatus & passus est in medio terræ ? O quam indebita miseratio : quam gratuita & sic probata dilectio : quam inopinata dignatio : quam stupenda dulcedo : quam invicta mansuetudo : regem gloriae pro despiciatissimo vernaculo, imo vermiculo crucifigi ? Quis audivit unquam tale, aut quis vidi huic simile ? Vix enim pro justo quis moritur : ipse pro iustis & inimicis mortuus est, eligens exulare à cœlis, ut nos reportaret ad cœlos : amicus dulcis, consiliarius prudens, adjutor fortis.

*Sed quam iū  
impar homo!*

*Nam finiti ad  
infinitum nulla  
reportio.*

*Voluntas ad  
minimum Deo  
landa.*

*Peccatis reco-  
gitandis & ex-  
viandis homo  
vitam suam de-  
bet.*

Quid retribuam Domino pro omnibus quæ retribuit mihi ? Nonne si conferrentur in me omnes vitæ filiorum Adam, & omnes dies sæculi, & labores omnium hominum qui fuerunt, qui sunt, & qui erunt, nihil esset ad comparationem corporis illius, quod spectabile & stupendum est virtutibus etiam supernis in conceptu de Spiritu sancto, in ortu de Virgine, in vitæ innocentia, in doctrinæ affluentia, in coruscationibus miraculorum, in revelationibus sacramentorum ? Vides igitur, quia sicut exaltantur cœli à terra, sic exaltata est vita illa à vita nostra : quæ tamen posita est pro vita nostra. Sicut nihil ad aliquid nullam habet comparationem, ita & vita nostra nullam habet ad vitam illius proportionem, cum illa dignior, ista miserior esse non possit. Nec me putes rem exaggerare sermonibus : quia hic deficit omnis lingua, nec sufficit oculus vel ad intuendum tantæ dignationis arcamnum. Cum ergo ei donavero quicquid sum, quicquid possum : nonne istud sic est sicut stella ad solem, gutta ad fluvium, lapis ad montem, granum ad aervum ? Non habeo nisi minuta duo, imo minutissima, corpus & animam, vel potius unum minutum, voluntatem meam : & non dabo illam ad voluntatem illius, qui tantus tantillum tantis beneficiis prævenit, qui toto se totum me comparavit ? Alioquin si illam retinuero, qua fronte, quibus oculis, qua mente, qua conscientia vado ad viscera misericordie Dei nostri, & audeo perfodere illud fortissimum propugnaculum quod custodit Israel, & illius sanguinis non guttas, sed undas à quinque partibus corporis in meum pretium detorquere. O generatio perversa, & infideles filii, quid facietis in die calamitatis de longe venientis ? ad cuius fugietis auxilium ?

Sed nunquid huic soli debitor sum, cui vix parum aliquid retribuere possum ? Exigunt à me præterita peccata mea futuram vitam meam, ut faciam fructus dignos poenitentiæ, & recognitem omnes annos meos in amaritudine animæ meæ. Et ad hæc quis idoneus ? Peccavi super numerum arenas maris : & multiplicata sunt peccata mea, & non sum dignus videre altitudi-

altitudinem cœli præ multitudine iniquitatis meæ : quoniam irritavi iram tuam , & malum coram te feci : *Circumdederunt me mala quorum non est numerus , comprehendenterunt me iniquitates meæ , & non potui ut viderem g .* Quod ergo sine numero est , quomodo numerabo ? Quomodo satisfaciā cum cogat reddere debitum usque ad novissimum quadrantem ? Sed & delicta quis intelligit ? Ait illa cœlestis fistula Ambrosius \* : Facilius inveni eos , qui innocentiam servaverunt , quām qui congruam egerunt poenitentiam . Sed & quantumlibet poeniteat , quantumlibet se afflicet & maceret propter nomen tuum , non propter meum meritum propitiaberis peccato meo Domine ( ait justus ) multum est enim <sup>b</sup> . Cum ergo quicquid vivis , quicquid sapis , quicquid habes , quicquid potes , huic uniri dei dicaveris , nunquid aliquid est , vel inter aliqua computandum ? Paulo ante vitam tuam pro vita sua Christo reddideras : & nunc iterum eam totam præcedentium exigit recordatio peccatorum . Nunquid ( ut vulgo dicitur ) de una filia duos generos statuisti facere ?

Quid si tertium tibi debitorem ostendam , qui non minus acriter quām veraciter vendicat eam sibi ? Puto quòd & tu possidere desideras ciuitatem , de qua dicitur <sup>i</sup> : *Gloriosa dicta sunt de te civitas Dei . Gloriam illum quam nec oculus vidit , nec auris audivit , nec in cor hominis ascendit , regnum omnium sacerdolorum , vivere in æternum , in perpetuas hæreditates . Credo quod velis esse æqualis Angelis Dei in cœlo , esse etiam hæres Dei , cohæres Christi , & in plateis supernæ Sion melos angelicum auscultare , videre quicquid illud sit , cum Christus tradiderit regnum Deo Patri , & erit Deus omnia in omnibus : postremo esse similis Deo , & videre enim sicuti est . Nec dubito quin & concupisca suspicere , & umbras declinantes , & diem aspirantem , cum illuxerit illa solennis dies , & nubila rerum excusserit : quando jam non inclinabitur dies , sed erit æterna meridies : quando erit plenitudo fervoris & lucis , solis statio , tenebrarum exterminatio , desiccatio paludum , fœtorum depulsio . Nonne ad hoc emendum , totum te , & quæcunque , & undecunque contrahere poteris , dare oportebit ? Et cum universa compleveris , non tamen putes esse condignas passiones huius temporis , vel corporis ad futuram gloriam quæ revelabitur in nobis . An sic impudens es , vel imprudens , ut minutum tuum , quod sibi tam Christi vita , quam peccati poenitentia certatim rapiunt , etiam ad hoc conquirendum vel audeas numerare ?*

Quid dices , si & quartum debitorem in medium adduxero , qui sibi etiam jure primatus sui superiores tres cedere velit ? Ecce in januis est qui fecit cœlum & terram , & creator tuus est , tu creatura : tu servus , ille Dominus ; ille figulus , tu segmentum . Totum ergo quod es , illi debes , à quo totum habes , illi præcipue Domino qui & te fecit , & beneficet

*Sermones S. Bernardi,*

K k k

tibi

<sup>g</sup> Psal. 39. c  
Facilius serva-  
re innocentiam ,

quam con-  
gruam agere  
panitentiam .

<sup>\*</sup> Lib. 2. de  
Poenit. cap.

10. tom. 4.  
<sup>b</sup> Psal. 24. c

<sup>3.</sup> Homo totam  
vitam suam  
cœlo comparan-  
do debet .

<sup>i</sup> Psal. 86. a

<sup>4.</sup> Homo se pse-  
sum Deo de-  
bet , ut ancloni  
omnium .

tibi, qui tibi ministrat siderum cursus, aeris temperiem, fœcunditatem terræ, fructuum ubertatem. Huic revera totis medullis, totis viribus ferriendum: ne forte indignationis oculo te respiciat, & despiciat & contemnet in æternum & in seculum seculi. Non arbitror autem quod te tanta rapet insania, ut & hic minutum tuum nominare, nedum numerare præsumas. Expone ergo mihi cui horum quatuor proponas reddere quod debes: cum unusquisque tam internus quam externus exactor sit, ut te possit singulariter suffocare.

Eia Domine vim patior: responde pro me: In manus tuas commendando minutum meum: tu persolve omnibus, tu ab omnibus libera, quia tu es Deus, & non homo: & quod hominibus impossibile est, possibile est tibi. Quod habui, & feci. Domine habe me excusatum, quia imperfectum meum viderunt oculi tui. Quis ergo amplius gruniet dicens: Nimirum laboramus, nimirum jejunamus: nimirum vigilamus: cum nec mille simæ, immo nec minimæ parti debitorum suorum valeat respondere. Hæc est sortasse, fratres, illa vera vestra quadragesima, non exterior, sed interior, quæ non corticem sacramenti, sed adipem frumenti contineat. Si enim unicuique istorum quatuor & pro se, & per se omnem decalogi perfectionem debetis: profecto deceat quater ducta quadragesimam vestram faciunt: quem custodire vos oporteat omnibus diebus vitæ vestre. Et ipse qui vos congregavit in loco isto, vitam vestram conservet in opere sancto: ut cum ipso apparuerit vita vestra, & vos appareatis cum ipso in gloria.

## S E R M O   XXIII.

In illud Apost. *Si spiritu vivimus, &c.**De discretione spirituum \*.*

**M**agister Gentium Paulus ex occasione ipsius spiritualis naturæ qua vivimus, ad spiritualem conversationem excitans discipulos, ait: *Si spiritu vivimus, spiritu et ambulemus.* Ac si dicat: Si caro non prodest quicquam, sed spiritus est qui vivificat ipsam; separare oportet preciosum à vili, & dignorem præponere partem, ut secundum spiritum ambulemus, non secundum carnem. Ad spiritum enim debet fieri conversio carnis, ut serviat ipsa, & non serviat ei, ut dicat spiritus servo suo, veni, & veniat: fac hoc, & faciat illud. Sic enim erit uxor nostra sicut vitis abundans, & salvabitur per generationem filiorum, qui sunt opera bona, si fuerit ipsa quidem in lateribus domus nostræ, id est in abscondito & humili loco: anima vero resideat in medio tanquam domina, tanquam paterfamilias, tanquam iudex; ut fiat quod scriptum est: *Animæ meæ in manibus meis semper b.* Maledictus enim spiritus ille, qui partem suam deteriorem facit. Maledictus homo, qui pascit sterilem, & viduæ non benefacit. Denique, ut testa-

\* Al. De se-  
pren spiritu-  
tib.  
• Galat. 5. 2

Caro seruat  
spiritui, non  
contra.

b Plat. 11.8. c